



KEMENTERIAN KERJA RAYA  
MALAYSIA

# KENYATAAN MEDIA

## PEMBUKAAN JALAN CENTRAL SPINE JAJARAN BENTONG TINGKATKAN KESELESAAN PENGGUNA

**BENTONG, PAHANG** – Dua lagi Seksyen Jalan Central Spine di Negeri Pahang dibuka secara rasmi pada hari ini, demi memenuhi keperluan infra rakyat dan meningkatkan lagi keselesaan pengguna jalan raya, khususnya di kawasan berkenaan.

Dua (2) seksyen tersebut adalah Seksyen 5C iaitu dari Kampung Asap ke Kampung Sertik dan Seksyen 5D iaitu Bentong Bypass. Jajaran Seksyen 5C dan 5D bermula dari Jalan Susur Lebuhraya Kuala Lumpur – Karak (Lebuhraya Pantai Timur – LPT) melalui Persimpangan Benus, Bulatan Mempaga dan berakhir di Persimpangan Keruntung, Pahang. Laluan ini telah diwartakan menjadi Jalan Persekutuan 34 (Jalan Central Spine), dengan panjang jajaran yang dibuka pada hari ini ialah 22.3 kilometer (km). Ini menjadikan jumlah keseluruhan jajaran Jalan Central Spine yang dibuka kepada pengguna adalah sepanjang 89.25 kilometer.

Perasmian penyerahan projek disempurnakan oleh Menteri Kanan Kerja Raya, YB Dato' Sri Haji Fadillah bin Haji Yusof dan Menteri Besar Pahang, YAB Dato' Sri Wan Rosdy bin Wan Ismail.

Kedua-dua seksyen ini merupakan subpakej kepada Pakej 5, Jalan Central Spine yang mempunyai enam pakej secara keseluruhan. Projek Seksyen 5C telah dimulakan pada 5 November 2015 dan telah disiapkan pada 30 Oktober 2018 dengan panjang jajaran sepanjang 5.78 kilometer. Manakala untuk Seksyen 5D, projek telah dimulakan pada 18 April 2016 dan telah disiapkan pada 20 April 2021 dengan panjang jajaran sepanjang 22.72 kilometer. Kos projek untuk pakej-pakej ini adalah sebanyak RM631.98 juta.

Pembukaan jajaran ini bakal memberikan banyak impak positif kepada rakyat. Dari aspek pemanduan dan perhubungan, mobiliti pengguna ke Pantai Timur dapat ditingkatkan melalui penyediaan laluan alternatif baharu. Ini sekaligus dapat menjimatkan masa dan kos bahan api serta mengurangkan kesesakan trafik di Bandar Bentong dan Jalan Persekutuan FT08 terutamanya ketika waktu puncak dan musim cuti perayaan. Dari aspek sosio ekonomi, pembukaannya mampu merancakkan ekonomi melalui aksesibiliti ke lokasi-lokasi pelancongan di kawasan Pahang Barat.

Unit Komunikasi Korporat | Kementerian Kerja Raya Malaysia

WWW.KKR.GOV.MY PRO@KKR.GOV.MY KEMENTERIAN KERJA RAYA KKR.MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,  
50580 Kuala Lumpur



KEMENTERIAN KERJA RAYA  
MALAYSIA

# KENYATAAN MEDIA

Projek Jalan Central Spine merupakan pembinaan jalan baharu dan menaiktaraf jalan sedia ada sepanjang hampir 306.8 kilometer dari Kuala Krai, Kelantan ke Persimpangan LPT, Bentong, Pahang, berasaskan 4 lorong 2 hala (4-lane dual carriageway) mengikut piawaian JKR R5. Projek ini dibahagikan kepada enam (6) pakej utama iaitu:

Pakej 1: Kuala Krai ke Jambatan Sg. Lakit, Kelantan (47km)

Pakej 2: Jambatan Sg. Lakit ke Gua Musang, Kelantan (59.6km)

Pakej 3: Gua Musang ke Kg. Relong, Kuala Lipis, Pahang (93.4km)

Pakej 4: Kg. Relong, Kuala Lipis ke Raub, Pahang (44.65km)

Pakej 5: Raub ke Bentong, Pahang (54.1km)

Pakej 6: Bentong ke Persimpangan Lebuhraya Pantai Timur (LPT), Pahang (8.05km )

**KEMENTERIAN KERJA RAYA**

**7 OKTOBER 2021**

**Unit Komunikasi Korporat | Kementerian Kerja Raya Malaysia**

**WWW.KKR.GOV.MY** **PRO@KKR.GOV.MY** **KEMENTERIAN KERJA RAYA** **KKR\_MALAYSIA** **@MOWORKS** **KEMENTERIAN KERJA RAYA OFFICIAL**

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,  
50580 Kuala Lumpur